

այդ դառնութիւն, այլ ընդհանուր տառապեալ Հայաստանեալ[յ]ցս: Վասն որոյ ցաւակցիմ ընդ սիրոյդ և կսկծամ ի սրտէ, զի որ ոչ մեծութիւն ձեր և ոչ նուաստս իւր կերպիւ կարեմք մխիթարել կամ սփոփել զմեզ, ուրեմն պարտիմք Աստուծով միայն մխիթարել, որ մխիթարէ զմեզ յամենայն նեղութենէ մերմէ: Վասն զի ով էր, որ ծնաւ, որ ոչ մեռաւ (բաց երկու կամ երեք սրբոց): Ուրեմն ասասցուք կամք տեառն եղիցի օրհնեալ, նա ետ՝ նա էառ: Փառք և պատիւ նմա յաւիտեան:

Դարձեալ ցաւիմ, զի ոչ կարեմ սովաւ միայն բաւարարիլ, առանց պարսաւելոյ բախտին զխոչնդակութիւն, որ ոչ թոյլ տա մեզ զաշս մեր բանալ և հայել զերեսս մարդկան: Բայց չիմանի, թէ չիրաւամբ է, զոր ինչ առնէ նա ընդ մեզ նայելով ի մեր համառեալ տմարդի, կանացի և փափկասուն վարուց, որ սակաւ բանիւ թուլանամք և սրտաբեկ լինիմք վասն լինելոյն մեր երկշտաք, ազահ և արծաթասէրք (ևս քան զմեզ աւելի ազահագոյն սեւզգեստք), որ ըստ ողբոյն մեծին Մովսիսի Խորենացոյն<sup>28</sup>, աւել քան զխտուն և եօթն տեսակ զանազան ախտիւք մոլեալ, զխառնաց պղերկք հեշտասէջք և ալլն: Իսկ մեք, որ յայսպիսի կացութեան չարատեւեալք եմք, զի արդ է կարելի մեզ հաճոյ երկիւ առաջի Աստուծոյ կամ բախտին, որ միշտ տեսանեմք և ի յոլովիցս լսեմք, զի արի և վստահ արանց խնամէ նա զաջողութիւն, յաղթութիւն, ազատութիւն և ապա, անկապակած, տէրութիւն: Որովցետեւ այս այսպէս է, զի Դի(ց)ուհին աշն, որ առ վստահ և քաջաց խնամէ զաջողութիւն, ուրեմն տեղիք ոչ մեզ մեղադրել և դատապարտելոյ զնա: Վասն այնորիկ պարտապան եմք, եթէ բանական իցեմք ամենայնի ի բաց թօթափել ի մէնջ զատելի (թ)շուառ տկարութիւնս մեր՝ համայնեալեւ աշնոցունց, որք ոչ խնայեն զանձինս իրեանց առ ի տալ ազգի շարշարանաց կրել զվիշտս և հալածանս վասն հայրենեաց, կամ օգտի հասարակաց: Բնաւին մոռանալով և ի միտ ոչ բերելով, թէ հարք մեր, որք անարիք գոլով մեռան և որդիք մեր կանուխ փոխեցան, եղբայրք մեր ոչ վասն հայրենեաց իրեանց անկան ի պատերազմի, այլ մօլեալ սատակեցան անարժան յիշատակի:

Զայսուսիկ իսպառ ի մոռացումն տալով, ապալ թէ կարեմք այցելութեան ակն ունիլ ի նմանէ, որ մեռաւ վասն մեզ, և մեք ի զարծին պարտական եմք, զի մեռանիլ արիաբար վասն նորա: Եթէ ոչ միայն կեամք, ըստ որում կեամք օրըստօրէ նուազիմք, որպէս նուազիմք: Միշտ անարգ կշտամբեալ և արհամարհեալ ընդ ամենայն յերկրի և ընդ ամենայն տէրութեան ոչ անեմք և ոչ բազմանամք յաղագս հրէյասարաս խստութեան զընդաբոյս մերումս բնութեանց:

Յետ այսր ամենայնի դէպ է ինձ ասելն. համանմանիմք զնդակի օլիմպիական խաղի, որ ի հնումն ժամանակի առ որ ոմն լախտիւ հարկանէ, ոմն ոտիւք քաջցէ, իսկ ի վախճան խաղին, առեալ արկանեն ի խորշի միտջ իբրև անարգ և անպիտան իմն, մինչև ցնորոգումն կամ կրկնումն խաղին: Որ նշանակէ դարձեալ զոգոսումն ահարկու և սատակելչ պատերազմին, որ ի մէջ երկուց կամ երից տէրութեանց: Ըստ նախնեաց առակին. «Ի մարտիլին ձին և ջորին, էշն ի կոխան ոտից արարին»:

Այսպէս անցանին կեանք մեր ի վերայ երկրի: Վա՛յ է մեզ, զորն ասեմ, զորն խոստովանիմ, և վա՛յ մեծ է ինձ՝ նուաստիս, որ այսօր ի գեղջս այս ոչ գտանի որ, զի կարասցէ ընթեռնուլ զթուղթս և զիտացէ զսիրտս: Ահա այս հարէ առակ խառն ընդ թուրքաց և հայ ոսմկաց. «բիւանայ բիրդ էգինան, բիւմիանայ հակաց կա ասայ»<sup>29</sup>:

Ոչ գիտեմ առ ինչ վախճան դադարէր զկացութիւն Ղրիմու Հայոց, եթէ ազնուականութիւն ձեր ոչ էր գտեալ ներկայ ընդ Արղութեան երկրորդին Յովսէփայ վայելել զընհորս և ողորմութիւն մեծի կայսերուհոյն, զոնեայ իսպառ սպուռ կոխան ոտից լինէին նոքա: Արդարև չիրաւի պարծիլ կարեմք առ ի գովելի ջանից ձերոց երկոցունց, և ևս արժանաւոր գովեստի մեծի, ձեռնահաս ու նպաստամատուց լինիլդ նմա երաշխաւոր վասն կարողացուցանիլոյ զնա առ ի հաստատել զտպարան և զբարատուն: Այն է միայն զործ ազնիւ, որ տայ և լուսաւոր առնէ զխաւարեալ մառախլապատ միտս ազգիս: